

هي : عاوزه أعرف .. يجوز أنا فاهمه حاجة .. وأنت فاهم
حاجة تانية ..

هو : نفس الحاجة اللي أنت فاهماها ..

هي : كده بيتق بلاش أحسن ..

هو : بلاش ..

هي : أنت خاسس عليك أيه .. المصيبة فوق دماغى أنا ..
أنت تطلع زى الشعرة من العجين .. لكن أنا اللي ضحيت ..
أنا اللي أتعدبت .. وأنت حاخذك على أيه يا حسرة .. صاحبتى
بتقول عليك .. ولا بلاش .. تقول اللي تقوله هيه ولا غيرها ..
وغیرها .. أهى قسمتى والسلام ..

هو : وليه قسمتك .. ما بلاش القسمة دى ..

هي : أعمل أيه قسمتى ..

هو : مش قسمتك للدرجة دى ..

هي : قصدك أيه يعنى ؟ ..

هو : قصدى أنها قسمتى أنا كمان ..

هي : ما لها قسمتك بتى .. مش عاجبك بلاش ..